

第一冊

卅府元龜

中華書局影印

第一冊

卅府元



中華書局影印

冊 府 元 龜

(全十二冊)

〔北宋〕王欽若 等編

中 華 書 局 出 版

(北京王府井大街36號)

新華書店北京發行所發行

北京新興印刷廠印刷

787×1092毫米1/16·743¹/₈印張·9,392千字
1960年6月第1版 1982年11月北京第2次印刷

印數 1,501—8,000 冊

統一書號: 17018·34 定價: 200.00 元

影印明本冊府元龜序

陳垣

冊府元龜爲宋朝四大部書之一，亦爲清四庫全書中最大部書之一，庫本凡二萬七千二百餘頁，其數比太平御覽多一倍。二者同是類書，然前人每重御覽而輕冊府，故御覽自明以來有數刻，冊府只有一刻。御覽採摭範圍較廣，每條皆著出處，便於引據，爲校讎輯佚家所喜用。冊府所採大抵以「正史」爲主，間及經子，不採說部，故楓窗小牘謂其「開卷皆目所常見，無罕覯異聞，不爲藝林所重」。明末諸儒如顧炎武等對冊府尙不斷引用，其後致力者遂稀。乾隆中四庫館輯薛五代史，大部分本可由冊府輯出，乃以冊府習見，外間多有，永樂大典孤本，爲內府所藏，遂標榜採用大典，而冊府只可爲輔。雖然如此，冊府已漸爲人所注意。道光間，劉文淇諸人爲岑氏校勘舊唐書，卽大用冊府，成績甚著，亦以冊府所採唐五代事，不獨用劉薛二家之書，當其修冊府時，唐五代各朝實錄存者尙衆，故今冊府所載，每與舊史不盡同也。

冊府材料豐富，自上古至五代，按人事人物，分門編纂，凡一千一百餘門，概括全部十七史。其所見史，又皆北宋以前古本，故可以校史，亦可以補史。舊唐舊五代史無論，魏書

自宋南渡後卽有缺頁，嚴可均輯全後魏文，其二十八卷劉芳上書言樂事，引魏書樂志僅一行，卽注「原有闕頁」；盧文弨撰羣書拾補，於魏書此頁認爲「無從考補」，僅從通典補得十六字。不知冊府五百六十七卷載有此頁全文，一字無闕。盧嚴輯佚名家，號稱博洽，乃均失之交臂，致魏書此頁埋沒八百年，亦可爲清儒不重視冊府之一證。

冊府可以校史，亦可以史校之。昔傅沅叔增湘以宋本冊府殘卷校明本，至五百十七卷十四頁一行，發見有錯簡，宋明本皆誤，馳書詢余。余審上下文義，上半係晉天福五年竇貞固奏國忌事，「勳舊」下缺文五十八字，可以本書三十一卷十六頁奉先門互見之文補足之。下半加冠一段，有王奐等十四人議，係南齊書禮志之文，伏曼容一段，亦採自南齊書輿服志。由加冠至十七行軍容，係本書五百七十七卷九頁十四行奏議門司徒下脫文，正可補其闕。至軍容下之「是月」究係何月，據五代會要十七卷知班條載賈玼此狀，係周廣順三年三月，知其前一條亦必是周廣順三年三月事，故承上文言是月也。以此覆沅叔，沅叔大喜，以爲問一得三。知宋本亦未爲盡善，要在讀者能以校勘學之「他校法」校之。陸心源亦曾校此二卷，未能校出，蓋對校易，他校難也。

此書自明以來，只有一刻，康乾而後，雖續有補版，實同出一源，非有二刻。據卷首藏本姓氏，明人所見，俱係鈔本。至清代，詔宋樓曾藏有北宋刻本殘帙四百七十一卷，京師圖書

館有宋本七十五卷，鐵琴銅劍樓有五卷，袁克文有十卷。傅沅叔曾借校袁氏等各卷。宋本實比明本爲強：如二百九十卷明本卷首前三頁半，係二百九十七卷譴讓門卷首之文，重出於此，所缺去者係立功門小序及周公旦等九條，凡一千二百餘字，非宋本何由補足之。又如明本五百八十九卷十一頁三行「疎降」下，脫宋本二頁，凡一千三百五十餘字。又如明本六百十九卷二十頁三行後，脫武懿宗等七條，凡六百餘字，均非宋本無由補足。故今影印本已將宋本諸條補遺於後矣。

然亦有宋本誤而明本不誤者：如傳校本三百七十四卷十八頁二行「擊虜」下，宋本有張奉國、劉潼等二條，凡三百三十餘字，已見本卷四至五頁，顯係錯簡衍文，明本刪之，是也。又五百九十卷十七頁四行「章」字下，宋本有黃鐘一宮等三百三十餘字，係五百六十八卷十八頁之文，錯簡於此，脫固不可，衍亦何用，明本亦已刪去。此皆明本勝宋本處。可見明人對此書集體校讎，曾用相當功力，不得以「明人空疎」，遂一筆抹煞也。

陸心源北宋本冊府元龜跋所舉明本脫文甚多，有真脫者，固可由宋本補足；有非脫而爲明本有意刪去者，固不必復由宋本補之也。如謂五百五十九卷十二頁李翱條前脫路隋一條，凡五百七十餘字，今按路隋條已見五百五十七卷一頁。又謂六百十七卷十六頁張仁愿條前脫劉三復一條，凡四百餘字，十八頁顧榮條前脫王觀一條，凡四十餘字，崔振條前脫王彪之

一條，凡八十餘字，今按劉三復條已見六百十六卷二十一頁，王觀、王彪之條已見六百十七卷五頁。謂六百十八卷十二頁狄仁傑條後脫徐有功一條，凡八十餘字，十三頁李棲筠條前脫李峴一條，凡二百餘字，十七頁蘇頲條前脫李日知一條，凡九十餘字，今按徐有功條已見六百十七卷二十頁，李峴條已見六百十六卷十二頁，李日知條已見六百十七卷十九頁。謂六百十九卷十四頁李殷夢條前脫崔器一條，凡二百二十餘字，今按崔器條與李峴條同詞，已見六百十六卷十二頁。謂六百五十卷十頁高彪條後脫羊陟、王堂二條，凡四十五字，孔昱條後脫蘇章一條，凡二十字，今按羊陟條已見本卷八頁，王堂、蘇章條已見本卷四頁。謂六百九十七卷五頁李章條前脫董宣一條，凡二百四十餘字，陽球條前脫黃昌一條，凡四十餘字，今按董宣條已見六百九十六卷十一頁，黃昌條已見六百九十六卷十三頁。謂八百六十四卷十八頁封隆之條前脫楊愔一條，凡三十字，今按楊愔即在本卷本頁封隆之後。

凡此諸條，非陸跋所舉有錯誤，即宋本重出或互見之文，可以用校勘學之「本校法」以本書前後互校，即知其重出或互見而刪之，故與其說是明本脫文，毋寧說是明本刪宋本重出之文爲得其實也。因此，益信明人校刻此書之勞不可沒。今宋刻既無完本，以明刻初印本影印，亦其宜也。

一九五九年六月

冊府元龜序

非天子不

臣嗣京聞宣尼得帝

魁之書迄秦繆凡三千二百四十篇乃斷遠取近止留百二十

序一

篇以爲萬世君臣之法又因端門之命使子夏等求周史記得百二十國之書乃芟辭取義止因魯史以

申天王子奪之權是

非大定得失燦然凜

乎其不可易故後世

司馬光作通鑑朱子

作綱目皆始於周威

序二

烈之二十三年而不

敢上越以避尚書春

秋然其立旨君規臣

微則根本託焉臣謂

冊府元龜實準於是

何也其該以君臣之道同也今按其書自初卷至三百八十卷必首敘帝王以明一統之尊繇是漸推之

序三

宮儲宗室旁及閭閻以終於外戚皆隸於君猶之天一耳大而日月星辰小而風雨露雷無一非天之所

統邵子曰地以上皆天天道也君之道也自三百八十卷及末卷必首敘宰輔以明百官之長繇是漸推

序四

之臺諫將帥下及守令以終於外夷皆屬之臣猶之地一耳近而五岳四瀆遠而三島十洲無一非地之

所分邵子曰天以下
皆地地道也臣之道
也臣於是而憶馮衍
之誥鄧禹焉曰昔者
先王學大道以觀於

序五

天下有以化民爲臣而明
於道則進足以事君
退足以脩身故堯年

十五而封爲諸侯二
十而入登帝位其自
言曰吾存心於先古
加志於窮民痛萬姓
之罹罪憂衆生之不

序六

遂舜曰以學乃時而
行此爲良藥周公相
成王朝讀書百篇夕
見七十二士太公起
朝歌端冕奉十六之

銘今

皇上出處婉堯用人行政

婉舜而一時大臣又

各以周公之德尚父

之才相期共效則休

序七

氣四塞榮光出河取

天地之精以佐五穀

洗兵革之氣以壽民

人

君臣立極相竝納於道中

座

右何也其該以君臣之

道同也

序八

崇禎壬午冬月試監察

御史臣李嗣京謹撰



巡按福建試監察御史加一級加俸一級爲

聖學中

天道隆稽古謹繕前代之成書以廣

聖朝之文治事職聞唐堯文明帝勲首著殷高學古

王運中興周武齋戒而受丹書造訪而陳洪範

乃能永清大定八百靈長我

皇上以極神至聖之才厯敬

天法

揭帖一

祖之念拾伍年宵衣旰食

求治省躬無懿不繇性成無行不與道合而猶

虛心好古

遜志崇儒

頒小學以開發羣蒙

繹性理而追尊六子仍

命編纂語錄印證淵源

緝熙益懋于光明

德脩厚積于時敏周公孔子之道凡散見于經史典

籍者恭逢

皇上如日月經

天昭回萬古乃有裕成憲而資鑒觀若宋人所輯冊府

元龜一書綜貫百家羽翼治道洋洋纒纒固菑

兆之鴻寶也唯是

國朝參百年來從無刊本經生家鮮有獲窺全豹

者即間有一二抄帙非訛謬于亥承即殘闕于

揭帖二

蠹魚昨職奉

命按閩間有建陽縣爲宋賢朱熹等講道之鄉縣有

書坊自宋迄今皆爲刊刻古書之所職因取家

藏舊本行分守建南道胡維霖轉行建陽縣知

縣黃國琦釐訛補闕職與道縣合蠲薪廩爰付

棗梨二月始事十月告成是書也宋之君若臣

費十年苦心經數省更定上自義軒下止五代

總爲三十一部分爲壹千壹百肆門計壹千卷

從來彙書未有若是之多者然而該括當日編書大指止取著歷代君臣德美之事為將來做法諸非經籍所載與非禮不足為訓者悉刪去之是為書極其浩繁而為義又極其簡要故可傳也職愚無知聞之考獻徵文竝為

帝王行政之助而

聖主之購名書與秀求名彥饑渴政復同心今

皇上允廷臣之請釋青起廢使幽谷之駒盡作漸遠

揭帖三

乙羽則原河朔雄發二酉之蘊用備

乙夜之觀將

朝夕起居宛親賢士

細旃廣厦足代論思不亦仰慰
寤寐側席之盛懷而弘開明目達聰之紉牖乎且近

見詹事府遵

旨察奏一疏奉有

欽頒書籍如何致令散失着速行購補也

旨竊謂典雅灝博如此書者亦當在購補之中倘蒙聖明採擇容職裝潢呈進是亦食芹負喧小臣區區之忱惘所冀得少畢其涓埃者也伏乞
睿鑒施行職不勝悚息待命之至緣係
聖學中國
天道隆稽古謹繕前代之成書以廣

揭帖四

聖朝之文治事理為此除具

奏外理合具揭須至揭帖者

右一書

揭

帖

冊府元龜考據

景德冊府元龜

景德二年九月丁卯命資政殿學士王欽若知制誥楊億脩歷代君臣事迹欽若等奏請直祕閣錢惟演刁衍龍圖閣待制杜鎬咸綸直集賢院李維直史館王希逸陳彭年姜嶼陳越太子右贊善大夫宋貽序同編脩初令惟演等各撰篇目送欽若暨億參詳欽若等又自撰集上用欽若等所撰集定有未盡者奉旨增之又令內臣劉承珪劉崇超典其事編脩官供帳飲饌皆異嘗等俄又令祕書承陳從易較理劉筠

冊府元龜

考據

同編脩官直館查道太嘗博士王曉未成又增直集賢院夏竦職方員外郎孫奭注撰音義三年四月丙子四年八月壬寅車駕再幸編脩之所再閱門類楊億悉以條對編次未及倫理者改正之帝曰朕編此書蓋取著歷代君臣德美之事爲將來取法至於開卷覽古亦頗資於學者皆命從官坐賜編脩官器幣王欽若以南北史有索虜島夷之號欲改去王旦曰舊史文不可改趙安仁曰杜預註春秋以長曆推甲子多誤亦不敢改但註云日月必有誤乃詔欲改者注釋其下凡所錄以經籍爲先億又以羣書中如西

京雜記明皇雜錄之類皆繁碎不可與經史並行今並不取止以國語戰國策管孟韓子淮南子晏子春秋呂氏春秋韓詩外傳與經史俱編歷代類書脩文殿御覽之類采摭銓擇凡三十一部部有總序千一百四門門有小序初撰篇序諸儒皆作帝以體例不一祥符元年二月丙午遂擇李維等六人撰記付楊億竄定五月甲申手劄詔凡悖惡之事及不足爲訓者悉刪去之日進草三卷帝親覽之摘其舛誤多出手書詰問或召對指示商畧三月丁卯詔或有增改事標記覆閱之

是年十月丁未手劄令欽若等書名其增損悉書之

冊府元龜

考據

成六年八月十三日壬申欽若等以獻進表曰推明凡例分別部門皆仰稟於宸謨虔奉遵於成憲刊除非當穩括無憂每煩乙夜之覽鑒觀自清衷而裁定昔甘露石渠出於議奏開元麗正徒有史名矧皇覽博要之言玉鑑珠英之作但詞林之見采非治本之宜光洪惟上聖之能獨出百王之首崇政殿進呈凡千卷目錄十卷音義十卷詔題曰冊府元龜御製序序曰太宗皇帝始則編小說而成廣記纂百氏而著御覽集章句而製文苑聚方書而課神醫次復刊廣疏於九經較闕疑於三史脩古學於篆籀總妙言於釋

老洪猷丕顯能事畢陳朕道遵先志肇振斯文載命羣儒共司綴緝粵自正統至於閏位君臣善述邦家美政禮樂沿革法令寬猛官師議論多士各行靡不具載用存典刑凡勒成一千一百四門門有小序述其指歸分爲三十一部部有總序言其經制凡一千

卷

祥符八年十一月乙丑欽若等上版本宴編修官上作詩一章賜命屬和

一本云景德四年九月戊辰上謂輔臣曰所編君臣事迹蓋欲垂爲典法異端小說咸所不取觀所著篇序援據經史頗盡體要而誠勸之理有所未盡也欽若等曰自續集此書發凡起例類事分門皆上京聖

冊府元龜

考據

三

意授之羣官間有凝滯皆細陳論今蒙宣諭勤以懲勸爲本垂世之急務也十月癸亥上謂輔臣曰朕每因暇日閱君臣事迹草本遇事簡則從容省覽事多或至夜漏二鼓乃終卷

編修官自王欽若陳彭年劉筠十一人景德二年奉勅

編修楊億至宋貽共七人

天禧四年閏十二月癸丑賜輔臣各一部景祐四年二月甲子賜御史臺臣帝王部一百二十八門閏位七十八門僭僞三十七門列國君四十門儲官十七門宗室四十二門外戚二十三門宰輔四十一門將帥一百六門臺省二十九門邦計二十九門憲官十

五門諫諍六門詞臣八門國史十三門掌禮九門學較十五門刑法九門卿監十五門環衛九門銓選八門貢舉十門奉使十七門內臣十六門牧守四十二門令長二十一門宮臣十一門幕府十六門陪臣二十一門總錄二百四十一門外臣三十四門

已上出玉海

晁氏曰皇朝景德二年詔王欽若楊億脩君臣事迹唯取六經子史不錄小說雜書至祥符六年書成上之凡三十一部有總序一千一百四門有小序同脩者十五人錢惟演杜鎬刁衍李維威綸王希哲陳彭年姜嶼宋貽序陳越陳從易劉筠查道王曙夏竦初撰

冊府元龜

考據

四

編序諸儒皆作帝以體制不一遂擇李維錢惟演陳彭年劉筠夏竦等付楊億竄定賜今名爲序冠其首其音釋又命孫奭爲之陳氏曰凡八年而書成總五十部部有總序一千一百四門門有小序賜名製序所采五經史之外惟取戰國策國語韓詩外傳呂氏春秋管晏韓子孟子淮南子及脩文殿御覽每門具進上親覽摘其外誤多出手書或召對指示商畧

容齋洪氏隨筆曰真宗初命儒臣編脩君臣事迹後謂輔臣曰昨見宴享門中錄唐中宗宴飲韋庶人等

預會和詩與臣僚馬上口摘合挑事皆非禮也已令削之又曰所編事迹蓋欲垂爲典法異端小說咸所不取可謂盡善而編修官上言近代臣僚自述揚歷之事如李德裕文武兩朝獻替記李石開成承詔錄韓偓金鑾密記之類又有子孫追述先德敘家世如李繫鄴侯傳柳氏序訓魏公家傳之類或隱已之惡或攘人之善竝多溢美故匪信書并僭僞諸國各有著撰如僞吳錄孟知祥實錄之類自矜本國事或近誣其上諸書竝欲不取餘有三十國春秋河雒記壺關錄之類多是正史已有秦記燕書之類出自魏邦商

考據

五

芸小說談藪之類俱是談諧小事河南志邠志平剡錄之類多是故吏實從述本府戎帥征伐之功傷於頽碎西京雜記明皇雜錄事多語怪奉天錄尤是虛詞盡議采取恐成蕪穢竝從之及書成賜名冊府元龜首尾十年皆王欽若提總凡一千卷其所遺棄旣多故亦不能暴白如資治通鑑則不然以唐朝一代言之敘王世充李密事用河雒記魏鄭公諫爭用諫錄李絳議奏用李司空論事雅陽事用張中丞傳淮西事用京公平蔡錄李泌事用鄴侯家傳李德裕太原澤潞回鶻事用兩朝獻替記大中吐蕃尚婢婢等

事用林思後史補韓偓鳳翔謀畫用金鑾密記平麗
勛用彭門紀亂討裘甫用平剡錄記畢師鐸呂用之
事用廣陵妖亂志皆本末粲然然則雜史瑣說家傳
豈可盡廢也

李嗣京述

冊府元龜

考據

六